

金仙紀事卷



中華民國二十五年八月初版

每部實價國幣貳元
外埠酌加運費匯費

纂輯者 陳 衍

發行人 王 雲 五
上海河南路

印刷所 商務印書館
上海河南路

發行所 商務印書館
上海及各埠

(88022)

金 詩 紀 事
四 冊

版權所有翻印必究

(本書校對者鮑嘉祥)

金詩紀事卷十

侯官陳衍緝

王予可

予可字南雲吉州人

中州集爲人軀幹雄偉貌亦奇古戴青葛巾項後垂雙帶狀若牛耳一金鏤環在頂額之間兩頰以青涅之指爲翠靨衣長不能掩脛故時人有峭腿王之目落魄嗜酒每入城市人爭以酒食遺之夜宿土室中夏月或屍穢在旁蛆蟲狼籍不卹也人與之紙落紙數百言或詩或文散漫碎無句讀無首尾多六經中語及韻學家古文奇字字或峭勁遇宋諱亦時避之人或問以故事其應如響諸所引書皆世所未見談說

之際稍若有條貫則又以誕幻語亂之麻知幾張伯玉與之
游最狎其所作詩以百分爲率可曉者才二三耳蔡州北懸
壺觀仙榆云壺樹苔波月漬皴醉後云一壺天地醒眠小宮
體云萬疊雲山飛小鴈射虎首句云風色偃貂裘卽閣筆自
戲云此虎來矣樂府云唾尖絨舌淡紅甜又自戲云欲下犁
舌獄耶和太伯宮詞云金盆水不暖翠雀啄晴苔又云鳳蹴
瑤華散龍銜桂子香西瓜云一片冷裁潭底月六彎斜卷隴
頭雲烹茶云簾捲綠陰花外月玉山冰雪醉扶翁凌霄花云
啼鳥倒銜金羽舞驚蛇斜傍玉簾飛威錦堂樂府云鳳環捧
席帶香屏鯨杯倚伎和雲捲

屏擬作憑

此類尙多

歸潛志王赤腿不知其名字年齒人以其衣短號哨腿王或

云名予可字南雲河東人幼嘗爲卒居鄆蔡間以乞食爲事
衣皮衣露膝好插花額上繫一銅片如月人問之皆有說又
時時自言爲天帝所召有某仙某神在焉所食何物皆誕詭
莫可測然善歌詩有求之者索韻立成字亦怪異在鄆城凡
寺觀樓閣及名家屋壁書其詩殆遍往往有奇麗語如天仙
有夢梅云鼎鑄陶鈞政格新橫斜疎影慰騷魂嬰香枕簟黃
昏月懋棣東風笑谷春又經閒漱几虛雲鎖盃捲江山枕島
樓却憶西巖舊宮殿半橫星斗下瀛洲又松陰滾碎闌干角
其他多僻怪不可曉問之則曰出天上何書書名亦不可曉

馴鶴圖

寢處粧鉛未捲釵孤雲花帶月邊來六宮簾幕金鸞冷露濕晨烟啄

翠苔

中州集張伯玉家畫慎宮人徐行以手整釵一鶴後隨謂之
馴鶴圖伯玉請賦詩欽叔常苦其作詩多不用韻限以釵來
苔三字

句

石裂雯華漬月秋

中州集題崧山石淙云云蓋石淙之石皆狀若湖玉其高有
五六十尺者石之文如蟲蝕木如太古篆籀奇峭秀潤一一
在潭水中親到其處知詩爲工也

升庵集金國仙人王予可詩詞多用雯華字見中州集元好
問詩剝裂雯華漬月秋又寶宮寺聯云七重寶樹圍金界十

色雯華擁畫梁雯文也又石文似雲亦曰雯華古三墳書曰
雲赤曇月雲素雯

句

一片冷裁潭底月六灣斜捲隴頭雲

蜀都雜鈔金王予可詠西瓜云云又在元世祖前矣

王萬鍾

萬鍾字元卿秀容人

句

千里呂安思叔夜二年社燕伴秋鴻 漢宮月下三千額好在春風
一抹痕 蘭徑水流三月暮桂林風落一枝春

中州集與同郡田德秀齊名號王田元卿嘗有詩寄予關中

金詩紀事卷一
三
云云賦梅花云云哭吾兄敏之云云古詩尤蕭散有自得之
趣兵火中皆亡失之矣

馬天來

天來字雲章亦曰元章介休人經義進士官至國史院編修
句

木偶衣冠休嚇我瓦伶口頰欲謾誰 嚙骨取肥屠肆狗舖糟得醉
酒家豬 人天解種不秋草欲界獨爲無色花 夜來窗外渾疑月
今日牆頭不見山 先生睡起騎驢看太素一游非世間 白含雲
竇雪青補石門天

中州集元章多作詩欲別出盧仝馬異之外又多用俳體作
譏刺語如云云之類不得不謂之乏中和之氣至其賦丹霞

下寺竹云云雪云云末云云龍門云云則知詩者亦當以功掩過耳

馬舜卿

舜卿名肩龍以字行宛平人由太學生仕至鳳翔總管判官受圍城陷不知所終

句

玉鞭再過長安道人面依然似花好殷勤勸我梨花春要看尊前玉山倒

中州集年少時過襄垣題詩酒家壁辭氣縱橫時輩少有及者如云云他語類此

李解

金詩集卷一
解字公渡相人累舉不第

句

姓名偶脫孫山外文字幸爲坡老知誰念三生李方叔欲將殘喘寄

鑪錘

歸潛志李解王黃華門生也自號六峯居士工詩及字畫皆得法連蹇科場竟不第興定末與余同試開封中選公渡甚喜有詩呈余先子後云云先子和答云瓶有儲糧髻有絲蹉跎歲晚坐書癡輞川畫隱王摩詰錦里詩窮杜拾遺應舉尙陪新進士主文多是舊相知春闈看決魚龍陣未必尖錐勝鈍錘士林相傳以爲笑談

史旭

旭字景陽第進士官臨真秀容二縣令

上元夜雪

斜風吹雪滿山城壓屋雲低未肯晴
天女散花春一色燭龍銜照夜三更

句

青黃遶屋禾將熟紫白依闌菊半開
也解笑人沿路菊不堪供稅帶山田

中州集臨真上元夜雪云云交口楊氏莊云云差赴綏德云
云先人嘗從之游稱其時有佳句

秦略

略字簡夫陵川人

悼亡

自古生離足感傷爭教死別便相忘荒陂何處墳三尺老眼他鄉淚
數行多事春風吹夢散無情寒月照更長還家恰是新寒節忍見堂
空紙挂牆

臨終留詩

軀殼羈棲宅兒孫邂逅恩雲山最佳處隨意著詩魂

中州集詩尙雕刻而不欲見斧鑿痕故頗有自得之趣悼亡
一首高出時輩殆荆公所謂看似尋常最奇崛成如容易却
艱難者耶年六十七卒臨終留詩云云簡夫自號西溪老人
有集行於世

李節

節字正臣涇州人進士

句

梃頭打出和糴米丁口簽來自願軍

中州集以詩名關中有云云則時政可知矣

雷琯

琯字伯威坊州人以薦爲史館從事

商歌十章

扶桑西距若華東盡在天王職貢中一自秦原有烽火年年選將戍

河潼

春明門前灞水濱年年此地送行頻今年送客不復返卷土東來避

戰塵

盡室東行且未歸
臨行重自鎖門扉
爲語畫梁雙燕子
春來秋去恁誰飛

灞水河邊楊柳春
柔條折盡爲行人
只愁落日悲笳裏
吹斷東風不到秦

纍纍老稚自相攜
側耳西風聽馬嘶
百死纔能到關下
仰看猶似上天梯

上得關來似得生
關頭行客唱歌行
虛巖遠壑低相應
轉見離鄉去國情

前歌未停後迭呼
歌詞激烈聲嗚嗚
天下可能無後者
不挽天河洗八區

折來灞水橋邊柳
盡向商於道上栽
明年三月花如雪
會有好風吹

汝廻

行人十步九盤桓巖壑縈廻行路難忽到商顏最高處一時揮淚望長安

西來遷客莫回首一望令人一斷魂正使長安近於日煙塵滿目北風昏

自序客有自關輔來言秦民之東徙者餘數十萬口攜持負戴絡繹山谷間晝殮無糗糒夕休無室廬饑羸暴露濱死無幾間有爲秦聲寫去國之情者其始則歷亮而宛轉若有所訴焉少則幽抑而淒厲若訴而怒焉及其放也嗚嗚焉悵悵焉極其情之所之又若弗能任焉者噫秦予父母國也而客言如是聞之悲不可禁乃爲作商歌十章倚其聲以紓予懷

且俾後之歌者知秦風之所自焉

句

郎君未足留商隱官長從教罵廣文
明日春風一杯酒與君同醉
信陵墳

中州集李汾與伯威同在史館以高寔得罪伯威作詩送之
頗譏翰林諸人不能少忍至與諸生相角逐使之狼狽而去
有云云之句又云云人甚稱之

趙元

元字宜之定襄人幼舉童子第自號愚軒居士

歸潛志趙宜綠宜之壯病目失明其所讀書皆自少時不忘
名士無不與游屏山常賦愚軒云我雖有眼不如無安得恰

似愚軒愚

修城去

修城去勞復勞途中哀歎聲嗷嗷幾年備外敵築城恐不高城高慮未固城外重三濠一鋤復一杵瀝盡民脂膏脂膏盡猶不辭本期有難牢護之一朝敵至任摧擊外無強援中不支傾城十萬戶屠滅無移時敵兵出境已踰月風吹未乾城下血百死之餘能幾人鞭背驅行補城缺修城去相對泣一身赴役家無食城根運土到城頭補城殘缺終何益君不見得一李勣賢長城莫道世間無李勣

金文雅自注甲戌歲忻城陷官復完治途中聞哀歎聲感而有作

薛鼎臣罷登封